



STEFNUYFIRLYSING LANDSFUNDAR KVENNALISTANS HALDINN 29.-30.10.83.

Landsfundur Kvennalistans mótmælir harðlega ráðstöfunum ríkisstjórnarinnar, sem m.a. fela í sér afnám samningsréttar og dýrtíðarbóta án þess að tryggja stöðvun verðhækkan.

Kvennalistinn krefst þess að ríkisstjórnin skili aðilum vinnumarkaðarins aftur samningsrétti sínum.

Harðast bitnar þetta á þeim sem hafa meðallaun og þaðan af lægri, en í þeim hópi eru konur í yfirgnæfandi meirihluta.

I efnahagsráðstöfunum ríkisstjórnarinnar felst mikil hætta á samdrætti í atvinnulífi þjóðarinnar. Reynslan sýnir að atvinnuleysi bitnar fyrst á konum sem eru notaðar sem varavinnuafl. Dæmi um þetta eru fyrirhugaðar sparnaðaraðgerðir í heilbrigðispjónustunni, sem einkum beinast gegn láglaukonum. Þetta dæmi undirstrikar einnig veika stöðu kvenna í íslensku þjóðfélagi þar sem þetta skerðir ekki aðeins atvinnuþryggi okkar heldur leiðir skert heilbrigðispjónusta til þess að auknar býrðar eru lagðar á konur heima fyrir við umönnun sjúkra og aldraðra. Skert þjónusta við aldraða og sjúka lýsir einnig því grundvallarverðmætamati sem núverandi ríkisstjórn byggir aðgerðir sínar á.

Kvennalistinn berst fyrir bættum kjörum kvenna, þess vegna fagnar kvennalistinn að konur hafa í auknum mæli rætt stöðu sína og kjör og hvetur allar konur til að sameinast um þessi lífshagsmunamál okkar allra.

Stjórnvöld skera nú niður framlög til félagslegrar þjónustu eins og byggingu dagvistarheimila, heilbrigðispjónustu og uppbyggingar fræðslukerfisins. Á sama tíma er unnið að framkvæmdum eins og byggingu nýrrar flugstöðvar á Keflavíkurflugvelli, byggingu Seðlabankahúss, bankaútibúa, verslunarhalla og stórhýsa yfir hvers konar milliliðastarfsemi. Kvennalistinn mótmælir þeirri fjárfestingastefnu, sem hér er rekin og varar eindregið við afleiðingum hennar á lífsskilyrði fólks í landinu.

I stað þeirrar hentistefnu í atvinnu- og efnahagsmálum, sem hefur verið og enn er rekin, teljum við að vinna þurfi ötllega að því að móta langtíma áætlun um uppbyggingu atvinnulífsins. I öllum atvinnuframkvæmdum þarf fyrst og fremst að taka tillit til umhverfis- og félagslegra sjónarmiða en ekki fjárhags- og tæknisjónarmiða eins og hingað til.

Kvennalistinn er eindregið á móti frekari stóriðju hér á landi og við hvetjum til þess að Íslendingar sameinist um að hætta þátttöku í Hrunadansi alþjóðlegra stóriðjuhagsmuna. Kvennalistinn vill að vikið sé af veki þeirrar ofnýtingar á náttúru landsins sem nú ríkir. Við verðum að læra að skilja náttúru lands: okkar, takmarkanir og kosti og lifa með landinu en ekki á móti. Framtíð barna okkar byggist á skynsamlegri nýtingu náttúruauðlinda.

Við vörum alvarlega við skerðingu námslána, sem leiðir af sér aukið misrétti til náms. Við minnum á að námslán eru að fullu verðtryggð en eru ekki styrkir eins og margir virðast halda. Við viljum breytta stefnu í húsnæðismálum og leggjum áherslu á stóraukna byggingu leiguþúsnæðis annað hvort á vegum hins opinbera eða félagasamtaka. Kvennalistinn styður hugmyndir um húsnæðissamvinnufélög, sem sameina kosti eigna- og leigukerfis.

Kvennalistinn styður friðar- og mannréttindabaráttu. Kvennalistinn er á móti vopnum, hernaðarhyggju og hernaðarbandalögum hvar sem er í heiminum. Vopn tryggja ekki frið. Við styðjum hugmyndir um kjarnorkuvopnalaus svæði, sem eina leið í átt til gagnkvæmrar afvopnunar. Kvennalistinn telur að Íslendingum beri skylda til að mótmæla á alþjóðavettvangi framleiðslu, tilraunum með og dreifingu kjarnorkuvopna. Kvennalistinn skorar á ríkisstjórnina að taka ávallt afstöðu gegn valdbeitingu í samskiptum þjóða. Öðruvísi geta Íslendingar ekki talist ábyrgur aðili í samfélagi þjóðanna. Kvennalistinn mótmælir einnig eindregið þeim stórauknu hernaðarframkvæmdum sem nú eru fyrirhugaðar hér á landi.

A því ári sem nú er að líða hafa íslenskar konur sýnt það og sannað, að með samstöðu sinni fá þær miklu áorkað. Málefni kvenna eru nú í brenniddepli og við munum áfram standa saman um að bæta hag kvenna og vinna málum okkar og menningu brautargengi.

Með því viljum við stuðla að betra mannlifi.